



玉溪集元

年譜詩賦表

箋詔

2332
1



和
2332
卷一四



王溪先生文集序

吾東方名公碩士之以文章名世者多矣然求其所
謂從心寫出如聖賢明道之文者則亦不多得焉惟
我王溪先生之文章幾近之矣嘗聞夫子之言曰
有是實於中則必有是文於外試以此觀先生之文
而泝求其所以出此之本源則蓋元濬而敦厚純粹
而精明無纖毫輕浮駁雜之氣間其中矣先生之所
以得於天者如是而又濟之以學問之方在乎於中
而有以守其虛明之體省察於外而有以致其酬應
之用者已至於朴實之地而無掛於過差故其發而



形諸文字之間者自然條理分明輝光藹暢趣味踴
遠音韻和平有非操觚弄墨務為新奇者之所能髣
髴也是以孝悌之心積於中而見於辭章養疏之中
者懇切而惻怛忠愛之心積於中而發於啓沃陳戒
之辭者誠信而光明真實無偽之心積於中而允著
於輓祭銘誌行狀之作者端的典重無一言浮溢至於
吟咏之詞簡讀之言雜著之說無不得其性情之正
發其精微之意極其事理之當而皆符於在內之沉
潛純粹者則真所謂有德者之言而謂之明體適用
之學者非耶先生不喜著述遺稿無多今其存者皆

人事之不可已焉者也丁斯文焰嘗抄錄為若干卷
已屢諸梓矣不幸兵火灰之流布未廣士林深惜之
先生之孫眷慨然有重刊之意來請於蘊曰王父文
集抄錄太簡願加錄其遺漏綴拾其聞見且為一語
弁其首蘊辭以普識不文者累年矣盧君之請愈久
不已則蓋有不可辭者存焉昔我先君子出入先生
門下最親且久觀先生孝悌之行而學焉而有得誦
先生典雅之文而常服其理勝義明蘊既聞而知之
矣如是而終無一言則不惟辜盧君之望抑恐負先
君子一生尊嚮之意故謹就稿草中加取若干首添

序
補集中非敢有所取舍也特以其關於世教益於後
學者而存之有無之無所補闕者而遺之汰哉之謂
其可逃哉嗚呼後之覽斯集者不徒讀其文詞而先
求其所以為心者則孝悌之心油然而生忠信之行
不加勉而自進矣然則是集之行豈非世道之一幸
也哉

崇禎五年十二月既望八溪後學鄭蘊謹序

二溪先生文集目錄

卷之一

詩五言絕句

泛菊仍得一絕

坐柳樹下吟得一絕

連山東軒敬次先祖板上韻

七言絕句

夜坐池軒

謹廣鄭魯卿希參韻

日將夕登南皋

次鄭魯卿贈韻三絕

過鴨綠江得一絕

花開洞口憶一蠹先生因用其韻附元韻

夜宿三井之北草菴曉起

敬次宋相公純留韻

偶吟

遊三日菴紀行

次姜仲輔翼韻

假山次林彥實希茂韻二絕

澗邊小憩

謹次靈川韻贈寶上人

行至興原倉作

謁康陵二絕

夜吟

行至穿川吟一絕

封疏章仍吟一絕

百丈寺溪邊次金禧年韻

中暘吟一絕

次鄭魯卿贈韻

追次竹巖韻

遊靈川庵寄主人

次浣溪韻

和鄭魯卿

次魚季瑛韻

丹陽客舍

溪舍有懷

寄贈楊金兩生

贈沙彌處仁

五言律詩

九秋望曉

次浣溪韻

流下洛江連日宿舟中有作二首

扇暍月課

瀟茶月課

遊龍泉寺敬次李一齋韻附元韻

聞慶板上次盧蘇齋寒梅韻

送金夢瑞虬之燕二首

遊長水寺夜吟

抵宿神興寺

輓退溪先生二首

輓曹南冥二首

輓金河西

輓竒高峯二首

輓吳子強二首

輓李愚翁二首

輓林彥成二首

輓姜仲輔

輓盧別座鴻

輓鄭公希輔二首

輓金亨彥啓二首

輓閔舍人德鳳

輓鄭魯卿二首

輓表從弟朴士廉

輓安支寶瑒二首

輓堂兄拙齋并

輓趙正推誠

五言排律

輓李龜巖

輓朴伯胤承元

輓樽月課

次丁舍人季晦韻

七言律詩

冒雨登鵝樓觀漲

敬步倪仰亭韻二首

敬次李承宣子敬文捷韻

謹步楊深源浩韻奉贈申校理

岳陽晚眺

月課

瓊林賜宴

月課

送柳揚口擇仲之縣

次朴君沃韻送金貞外亭處赴燕

學士樓韻

學士樓近體二首

題秋潭精舍

摘菊盈把

應制下三首同

登高避禍

秋夜宴群臣

君臣同德

春日登小丘二首

送高正字應實點馬關西

七言排律

湘靈鼓瑟月課

五言古詩

次鄭魯卿寄詩韻

夜宿地藏庵用古人韻

孔林月課

病中次北山石營浦韻

七言古詩

次鄭魯卿和趙子韻

賦

三無私賦月課

敬賦少時作

守在四夷律賦月課

表箋詔

降勅賜物謝表應製

謝賜食物箋

擬遣韓愈宣慰王廷湊詔月課

卷之二

祭文

祭安左相文奉教製十六首

祭文德殿文

中朝進香祭文

王世子祭完山府夫人文

祭文昭殿文

一室 二室 三室 八室 九室 十室 一位 二位 三位

南海祈雨祭文

東海祈雨祭文

智異山祈雨祭文

祭曹南冥文

祭申靈川文

祭李龜巖文

祭金河西文

祭吳德溪文

祭鄭公希輔文

祭洪議政彥弼文

祭永川臨臯書院文

蘆溪書院春秋享祭文

祭高祖考墓文

祭曾祖考妣墓文

祭先考墓文

祭柳大司憲景深文

祭伯氏文

祭林參奉文

祭外翁姑文

祭林錦山希茂文

祭徐密陽九淵文

祭申氏姊文

祭舍舅察訪文

祭舍舅大祥文

祭金雲江啓文

祭姪士俊文

祭姜介庵文

祭鄭龍安文

祭安竹巖文

夫人安氏禫祭文

祭趙沃汝堰文

龍淵祭文

卷之三

行狀

考判書府君行狀

妣貞夫人權氏行狀

牧使申公潛行狀

判官安公慶順行狀

墓碑誌

曾祖大司憲公墓碑記

考判書府君墓誌

妣貞夫人權氏墓誌

典籍安公璣墓碣銘

生貧趙公壽億墓碣銘

參奉林公珪墓誌銘

慶士鄭公希輔墓誌銘

卷之四

疏狀

辛酉歸養疏

辛未乞養疏

再拜副提學疏

癸酉請歸養疏

辭禮曹判書疏

四館論復兩宗疏

再疏

弘文館劄字

啓

請還收趙憲推考啓

請贈謚李退溪滉啓

再辭大司憲啓

狀

辭同知中樞府事

兼藝文館提學同知春秋館事典設司提調狀

辭吏曹判書狀

辭後服色議

書

答李龜巖剛而書

答李龜巖別紙

答姜仲輔小牘別紙

答對馬島主書

卷之五

雜著

重刊春正編跋

高靈世稿續編跋

書盧氏族譜後

書尊堯集後

書昭烈永安遺詔後

范仲淹答歐陽脩論不諫書

均田議

調停辨

奏

奏廣寧都御史某請遼東兵馬勿調赴
薊州等處專力防備以禦獫狁之患

論

死病無良醫

記

遊長水寺

序

司馬齋題名錄序

策題

卷之六

外集

世系

年譜

行狀

謚狀

墓誌銘并序

神道碑銘并序

卷之七

賜祭文

賜額文

士林祭文

唐洲書院春秋享祭文

古龍書院春秋享祭文

輓章

王溪先生文集目錄終

王溪先生世系

十一世祖諱裕 十世祖諱戲 九世祖諱俊 尚書 八世祖諱貞 檢

豐川人國 子進士 相大 戶部同正配水軍提監配清道 原崔氏福昌寺 金氏直長同正 副承得 淇之女 珣之女

七世祖諱瑞麟 六世祖諱天桂 五世祖諱興吉 左右衛保勝郎 將 贈史曹參

文科進封判司 縣令 贈司僕 議配驥興閔氏 辰 宰寺事配義安 寺尹配推火都 圖判書瑞明之文

郡夫人玄氏判夫人朴氏密陽 少府寺事之俊 府同正温之女

女之

高祖諱焉 司正 贈兵 曾祖諱叔 全 號 祖諱盼 再棟科 官至 考諱友 朋 號信 古堂

曹參判配金海 金氏軍器少尹 良貴 之女	齋享道谷再捷 科官至司憲府 大司憲登清白 吏配慶州金氏	文館技理 禮曹參判配 昌煥氏同知 事先庚之女	贈 享道谷從仕郎 顯陵參奉 贈吏曹判書配 安東權氏生貞 時敏 之女
先生諱植字子 憲大夫吏曹判 書無同知 經 送春秋館事藝 文館提學 諡又孝公夫人 順興安氏思齊 堂先生慶順之 女墓在咸陽郡 北酒谷山 午向之原	即娶咸安趙氏 參奉堰之女	承議即行 承議用監奉 事前娶清州鄭 氏文穆公憲罔 先生速之女後 娶晉州河氏正 暎之女	孫勝承議即行 承議用監奉 曾孫亨遇 慶昌 寧張

年譜

皇明武宗毅皇帝正德十三年我大王中宗恭僖
七月五日壬寅甲辰時先生生于咸陽郡北德谷
个坪村舊宅

正德十四年我大王中宗恭僖
正德十五年我大王中宗恭僖
正德十六年我大王中宗恭僖
辛巳先生四歲自能傳
習文字

世宗肅皇帝嘉靖元年我大王中宗恭僖
壬午先生五
歲先考信古公手寫中庸及朱文公箴銘跋常置

膝下教之不煩誦數輒應口無礙愛護書冊如成人

嘉靖二年

我 中宗恭僖 大王 十八年

癸未先生六歲是年十月

五日丁信古公憂從伯氏于山廬不肯歸家或來省母夫人夫人誘曰汝緩免孩提血氣未成何能勝喪宜食肉以全生先生對曰子今六歲及免喪則八歲八歲之人不服父喪可乎夫人泣而奇之終不能強焉嘗如廁必掛孝巾於高處又從而繫之使無擺落之患額盥澡濯遇冬寒手指凍裂人或勸止而不聽如是終三年鄉里莫不嘆賞

嘉靖三年

我 中宗恭僖 大王 十九年

甲申先生七歲居信古公

憂先生一日請於申氏姊曰我願毋讀書姊氏曰何故也先生曰我方在憂中而誦聲有同歌詠於余心有未安焉姊氏曰伯氏且讀汝何辭焉時姊年九歲鄉里聞其問答莫不嘆異

嘉靖四年

我 中宗恭僖 大王 二十年

乙酉先生八歲是年十月

服闋

嘉靖五年

我 中宗恭僖 大王 二十一年

丙戌先生九歲後學於堂

兄兩公盧禎 盧祥文義有未達則執策而進自不憚煩兩公或怒揮之而必得洞曉然後乃退自是文理

日造旁窺雜書如輿地勝覽大平廣記等事亦頗涉獵矣

嘉靖六年我中宗恭僖二十二年丁亥先生十歲

嘉靖七年我中宗恭僖二十三年戊子先生十一歲

嘉靖八年我中宗恭僖二十四年己丑先生十二歲

嘉靖九年我中宗恭僖二十五年庚寅先生十三歲所屬文

詞實合體格肯綮文字迎刃而解自是不復執筆於長者之前自勤讀誦矣

嘉靖十年我中宗恭僖二十六年辛卯先生十四歲

嘉靖十一年我中宗恭僖二十七年壬辰先生十五歲嘗讀

大學章句輯釋悉皆研精熟復則頗有疑晦處鄉有鄭君希輔以詞學名於南中晚不利於場屋以訓後生為事先生首以大學就問則鄭君從先生唯唯先生是時已見大義於聖門之學而顧無名師可從以問遂有悵然之志從衆學科文於其門仍受韓文等書

嘉靖十二年我中宗恭僖二十八年癸巳先生十六歲

嘉靖十三年我中宗恭僖二十九年甲午先生十七歲中別

舉初額人得見其卷子者文從字順典雅贍暢一字添減不得知其有文章體製矣及對殿策考

官見其卷子皆欲取之時慕齋金文敬公為上試
官是先生之父友也以為年少登科不幸不果取

嘉靖十四年我中宗恭僖乙未先生十八歲

嘉靖十五年我中宗恭僖丙申先生十九歲是年

聘于思齋堂安公慶順之門公乃已卯名流也先
生十三歲赴舉從伯氏曆拜則公一見知其遠器
仍索所製文見之大異之遂有歸以女之意公歿
後四年婚果成焉

嘉靖十六年我中宗恭僖丁酉先生二十歲中生

負試第九名

嘉靖十七年我中宗恭僖戊戌先生二十一歲先

生是年居泮與衆處言笑油油不見崖異而德氣
粹然有識之人咸尊敬之一時知名之士相與為
友而愛之者甚衆朝中名勝亦有不識面而許以
為友者其中最厚無間者金河西盧蘇齋洪恥齋
等四五人而已由是聲聞益譁

嘉靖十八年我中宗恭僖己亥先生二十二歲魁

別舉初試不利於講書

嘉靖十九年我中宗恭僖庚子先生二十三歲生

男士訓

嘉靖二十年我大正三十六年中宗恭愍 辛丑先生二十四歲

嘉靖二十一年我大正三十七年中宗恭愍 壬寅先生二十五歲

嘉靖二十二年我大正三十八年中宗恭愍 癸卯先生二十六歲

嘉靖二十三年我大正三十九年中宗恭愍 甲辰先生二十七歲

嘉靖二十四年我大正四十年中宗恭愍 乙巳先生二十八歲

生男士誨

嘉靖二十五年我大正四十一年明宗恭愍 丙午先生二十九歲

先生自幼孤露仍嬰疾病自庚子以後常抱苦疴以至甲辰乙巳之間世變甚慘一時朝野知舊之人死徙殆盡先生於是無意斯世抱負聖賢之籍

究觀洛建之書蓋將終老於丘壑而於科第之念藐然矣會申靈川為秦仁縣母夫人隨女在其衙先生往觀時有別舉井邑縣為都會井陘秦只一息餘靈川於是上告諸夫人下勗乎先生日夜勸之曰君以非常之才抱屈既久家貧親老誠可傷憫年未四十屏廢科業恐不可也井邑至近雖病可支出入毋為自便之計而為悅親之圖夫人仍苦勸之先生黽勉就試中第二名自秦如京先生寓居龍城時也赴會試又中第二殿試則第八人先生嘗曰人於出身之運不得免猶死亡大限之不可逃

也吾已絕進取之念而終至於此去槐院擇取同
榜先生不屑不現身而下鄉不現則不取例也金
慕齋素知先生之名稟都堂特命取焉授權知承
文院副正字

嘉靖二十六年我明宗恭憲
大正二年丁未先生三十歲

嘉靖二十七年我明宗恭憲
大正三年戊申先生三十一歲

七月通仕即陞實副正字

嘉靖二十八年我明宗恭憲
大正四年己酉先生三十二歲

正月轉正字仍陞著作兼奉常寺直長階啓功

嘉靖二十九年我明宗恭憲
大正五年庚戌先生三十三歲

生男士訢伯兄進士公病卒先生自幼事之如父
愛敬備至進退奉承之恪久而不懈伯氏稍動於
坐則先生已離席而立矣自他所至稍聞杖履之
音則先生已下軒楹之下而待之矣伯氏嘗曰吾
欲與吾弟恒共游處以觀講誦之美而其為嚴敬
反使我不得以近也及是哀慕號哭初終如一嚴飭
羹祭之具而靡有餘力顧恤遺孀矜其窮乏歲有
恒式得甘旨則計供大夫人之外雖鈔必分之撫
其諸子無間於已出諸子亦視猶父焉六月陞博
士左遷為龍驤衛司正尋還本職階務功嘗再薦

翰林皆道避不就講七月陞拜成均館典籍即薦禮曹佐即階承訓

嘉靖三十年我大明宗恭憲六年辛亥先生三十四歲六

月出為知禮縣監階承議

嘉靖三十一年我大明宗恭憲七年壬子先生三十五歲

生男七諤階奉訓兼春秋館記事官時明廟命

揀中外後官廉謹者先生與焉賜鄉表裡一襲

嘉靖三十二年我大明宗恭憲八年癸丑先生三十六歲

階奉直

嘉靖三十三年我大明宗恭憲九年甲寅先生三十七歲

尚通善

嘉靖三十四年我大明宗恭憲十年乙卯先生三十八歲

生男士詮養正編最要於家養而先生病板本罕

見於是命工壽之自製跋文頒示鄉之子弟亦有

餘件

嘉靖三十五年我大明宗恭憲十一年丙辰先生三十九歲

先生為親養將訖期于縣為政不煩民不姚吏雖

縣殘無物力奉公及簿書期會常處不少懈節省

用度而惠均於人致厚供善而官不知弊上下安

恬自無忤令犯科之事矣征徭科法之因循病民

者亦不遽為之吏張必洞究利病之源然後有改
有戒而要其行之久遠不為一時苟簡之政故民
雖初無喜悅之色久而沐公之化則服其誠而愛
其德焉至於館宇辭舍亦加修治之功校學堂齋
之傾陟污毀者又必篤意改新而均力民吏適緩
惠寬猛之宜切緒自集矣自奉之薄如寒士雖些
少服用之物不以累於官衙中什物雖極微細一
一錄置官簿使妻孥不得顯焉此先生莅官自治
之大略雖至大州巨府終始一致而人無間矣在
縣曾假館職之選至是拜修撰知製教兼經

筵檢討官春秋館記事官即陞副校理知製教
兼經筵侍讀官春秋館記注官階迪德先生初
去三館即沉淪於外縣未嘗備侍從之官一朝以
經入侍同列皆以踈於講筵之儀為慮及侍讀
聲音清婉敷陳詳切領事尹公澆出語人曰真講
官也六月移拜司憲府持平知製教無春秋如
故未幾還拜修撰呈辭下鄉被召還八月拜副
校理階朝奉大夫有乞外之志呈病遽為工曹正
郎仍辭下鄉知禮有遺愛碑

嘉靖三十六年

我

大正

明宗恭憲

二年

丁巳先生四十歲以

修換用薦為吏曹佐郎赴謝供職未久呈辭下鄉
丐郡之望益切矣

嘉靖三十七年

我明宗恭憲
大五十二年

戊午先生四十一歲

二月階奉正中訓又階中直三月拜成均直講即
移拜修撰又遷為世子侍講院弼善知製教
階通訓承 召旨赴謝還拜副校理轉校理仍陞
副應教知製教兼 經筵侍講官奉教館編修
官嘗於 經筵進講綱目及齊紀王蠋去國事
上曰賢士而去國不知君臣之義也先生答曰去
國者何嘗忘國不能忘國而敢於去國其情誠可

悲也諫不從言不行而去則如王蠋能得事君之
義者也是故齊之亡也在列之臣無一人捐身致
忠而在野之王蠋獨能抗節徇國此去國者不負
國之驗也 上默然蓋是時退溪李先生累辭
召命不起 明廟頗懷疑沮之心故因王蠋事所
教如是先生之指陳剴切深得納誨之道矣是時
權奸交挈有與先生連姻者勢甚熾赫一時流輩
莫不濡迹其門先生杜門枯居不與人交游彼要
先生造己者非一再而先生終不應先生之簡彼
如此而彼之納交久而不替其黨之與先生相熟

者深夜扣門直入寢房隱然致彼邀意先生權辭
答之揖而送之其謹避嚴已之實如此

嘉靖三十八年

我明宗恭憲
大王十四年

己未先生四十二歲

二月特旨拜司憲府掌令因事遽為司僕寺僉
正即薦拜議政府檢詳知製教兼春秋館記注
官尋陞舍人知製教兼春秋館編修官呈辭下
鄉捕外將老之念愈久愈急而朝廷每不許至是
絕無還仕之意而銓曹不能擅改久而不遽先生
以都堂久闕即僚有妨大體不獲已還朝供職十
一月遷拜司憲府執義

嘉靖三十九年

我明宗恭憲
大王十五年

庚申先生四十三歲

二月喪申氏姊羈宦中奄遭此喪先生之傷慟非
直為骨肉之切也欲亟慰大夫人之痛呈辭下鄉
又以典翰召還轉拜直提學兩官之兼皆與副
應教同五月又呈辭下鄉特旨起拜通政大夫
刑曹叅議亦有召旨俄拜承政院同副承旨知
製教兼經筵叅贊官春秋館修撰官尋轉右副
承旨先生病甚危苦數月調治僅得蘇全十月以
寵驤衛副護軍呈辭下鄉先生自丙辰至庚申五
年之間常侍經幄又出入臺府以母夫人在鄉

往來覲省歲至番馬以此仕告之間為日相半然其間未必無規箴諷議之益可傳於後世者而先生不喜自說子弟門人未有聞知今此編錄闕失如此吁可痛

嘉靖四十年我大五十六年明宗恭憲 辛酉先生四十四歲二

月又拜右副承旨魁吏文廷試受熟馬之 賜先生自念身病難仕親病難離如此而荐叨 恩寵牽掣益牢終無便養之日供職未踰月即按法上 疏極陳歸養之懇 明廟留中數日乃下 批曰 情理迫切在法當然特令從願隣近守令除換使

養老母且賜毛褥甬其勿訶即除南原府使以妻 鄉薄有田宅辭焉按潭陽府

嘉靖四十一年我大五十七年明宗恭憲 壬戌先生四十五歲

九月與一齋李先生會于龍泉寺遠近士子多來 集

嘉靖四十二年我大五十八年明宗恭憲 癸亥先生四十六歲

生男士詹規治節目一依知禮時而平恕之政清 約之操人愈服之是在九月先生辭還以龍驤衛 大護軍優游家食

嘉靖四十三年我大五十九年明宗恭憲 甲子先生四十七歲

先生築數椽于秋潭之上扁曰申義齋蓋取申之以孝弟之義也其在暇日携親舊帶子姪往來自適談說道理熙然有公沂之興學子之聞風自遠者蓋亦多矣自出財穀令弟姪掌之以為義歲周窮之餘散諸坊里壹禱云四月除晉州牧使

嘉靖四十四年

我明宗恭憲

乙丑先生四十八歲

先生早游曹先生公義篤至及先生之莅晉曹先生德川小居在州之境往來過從之樂有不可以一二談者晚於退溪先生多見敬禮往復書疏可考者然也林葛川每論人物必推先生蓋此老少

同鄉里其遊從之雅交契之密有以深得先生平生之蘊故終始信服如此

嘉靖四十五年

我明宗恭憲

丙寅先生四十九歲

男士諤天先生凡在官勤於坐仕雖務閑之地必治事而了其日然後安於心州乃南方繁劇之最酬酢簿牒無一日之或廢因積勞成病遂即辭歸下官有饋遺輒辭不受或於節日及生朝夕備服玩之物以進亦皆辭之後復如是先生以上下之間每卻未安受而付之吏應親族之索以盡雜州之日又將豹褥懸以為贖先生固拒不受絀以魚

羞及穀布累馱致之家先生受魚羞而辭布穀蓋
此通判以權奸子姪憚先生廉介不能肆其貪榮
嘗作無根之謗以搖先生先生若不聞待之無間

穆宗莊皇帝隆慶元年

我明宗恭愍
大王二十二年

丁卯先生五

十歲生男士諡先生於所居第作堂扁曰養休又
構小屋于其傍曰則庵仍以自號多置經史于其
中事親接賓之暇以為守靜修省之所焉二月拜
吏曹參議就謝未既出拜清洪道觀察使兼兵馬
水軍節度使六月 明宗大王昇遐哀遑之中病
憊過卒哭即辭歸于家十月又除全州府尹

隆慶二年

我宣宗昭敬
大王元年

戊辰先生五十一歲二月

貞夫人安氏因風病不起先生獨侍母夫人奉膳
之歡殊不如前日又遭 國哀事多沮撓而處困
行患不失常操勤事愛民之誠小無所習清慎之
德寬裕之風有以欽動乎舊俗矣

隆慶三年

我宣宗昭敬
大王二年

己巳先生五十二歲先生

最所尊信愛玩者論語大學近思錄心經而已常
以臣自隨未嘗復更離也雖居官應酬終日沒沒
而向晦入息則整襟危坐諷誦紬繹日以為恒其
為己謹獨之工卓卓有人所不及處矣常曰為學

不在多言求之大學篇十六言足矣是以半世功
力專在大學大抵其學不事記覽探討之富而以
說到至約之地為主然一向韜晦不肯自佳其高
見遠識故世皆知先生之有德量而不知日用工
夫乃如許績密也

隆慶四年

我大王

宣宗昭敬

庚午先生五十三歲秩滿

歸家付龍驤衛大護軍十一月拜弘文館副提學
下旨召之赴謝供職終踰月即上疏以由前既歸
養今愈難仕之意哀款備至 上下教曰玉堂長
官不可輕違茲給由與馬可往覲而來先生以累

左副承旨上狀申前懇不赴十二月 上以御筆
超拜嘉善大夫慶尚道觀察使先生感激 恩款
即赴謝

神宗顯皇帝萬曆元年

我大王 宣宗昭敬

癸酉先生五

十六歲七月廵歷海甸過覲于家患脾病及泄痢
欲調治復廵少效勞績而證勢殊劇遂呈辭狀先
生治簿領如流而條理不紊處決的當且於詞訟
別加慎察不肯乘快速決故在州府之日人或以
是為病而先生不恤焉金公縉輝代按本道察先
生處訟之逸曰平日不料德行文學之士無通吏

務乃如許也金以文學稱者也其後入都又與知
舊稱善不置云此雖餘事以俟知者知之如此况
德義之蘊諸身者乎遠為同知中樞府事兼同知
春秋館事十月拜司憲府大司憲赴謝供職僅滿
一月又申上歸養之章 不允即瀝血三啓乃得
允仍下給馬之命先生以遠大憲仍乘駟為未安
即啓以辭 不允以龍驤衛副護軍下鄉觸逆寒
沍念之馳邁八家數日即發驚急之病僅得還甦
調治累月之後元氣非復前日歎後凡證皆原於
此矣

瀆未安憫默下來即上狀陳老母病狀期蒙 允
改則 上又下諭曰知爾以母老求解本職矣玉
堂長官不可輕遞今既覲省宜即乘駟上來以副
予前日之命先生承 命感涕又上章極致情私
憫迫之狀未亦付以規戒之辭蓋是時 上之始
初慕古興治之志漸至衰替拘之於近規不為宏
遠久大之圖而其主張之私有大可憂之幾故先
生陳之痛切 上又回諭曰省所上章披忠陳戒
良用嘉焉第冀辭至再予不敢強焉茲遞本職令
本道於老母處食物題給爾其知悉即上箋以謝

上又回諭曰予惟忠孝一致今日之所以歸養老
母實他日事君之本故許遂其志無令本道偶賜
微物何至上箋陳謝乎

隆慶五年

我宣宗昭敬
大王四年

辛未先生五十四歲六月

除昆陽郡守是時大夫年耄已極以家居奉養
靜俟終天為念而 朝廷又畀此便近海邑辭之
亦難乃赴焉

隆慶六年

我宣宗昭敬
大王五年

壬申先生五十五歲五月

以司諫院大司諫下 召就謝未幾以事遽拜吏
曹叅議月餘呈辭下鄉十一月又 召以承政院

萬曆二年

我宣宗昭敬
大王七年

甲戌先生五十七歲五月

遭李君徙菴公喪男士銓大其事大夫人自始至
終誠孝如一日焉年高位顯而侍側承歡有若嬰
兒少而遊學不敢稍遠長而仕宦未嘗經時不返
嘗自言平生一度食泮之外更不違倚閭之期耳
及大夫人耄期先生年幾六十而每夜半跣足付
耳窓壁必知大夫人喘息如常然後方始就睡先
生常愛花林縣玉山洞本郡濬川之獐項洞以為
晚年引退棲息之志是年春會曹南冥於獐項議
定築室之地又會林葛川於玉山卜地拓基又送

門下士邊士貞使先居于雲峯拖灘上而自後家
患連仍又遭大故竟不得就焉三月拜兵曹叅判
上狀不赴俄拜大司諫又上狀不赴六月拜吏曹
叅判兼同知春秋館事又兼藝文館提學 恩銜
召命前後皆至先生無如之何遂上狀申前懇而
兼帶館閣重任並乞鑄免 上特允

萬曆三年

我 宣宗昭敬
大正 八年

乙亥先生五十八歲六月

特旨超拜資憲大夫禮曹判書即上疏數百言極
論無功濫階不可拜命之意中申不忍離母之情
末附箴警之語十數條疏未達又移拜吏曹判書

又上狀不赴十月大夫人寢疾先生為之不解帶
者旬餘日既屬續即脫毛裘過殮殯亦不近爐既
矣返魂于室堂身居墓下之廬間一日徃來几筵
雖大風大雨不廢上塚哭拜亦間二日朝夕望拜
邪寒盛暑未嘗脫衰絰又於三世先墓皆作碑標
上下階砌亦極確治之工董役之際雖有子弟必
躬莅視日至再四盖先生素多疾病脾證為平生
之患 之脆弱亦且累年矣至是精力之能及
於此非先生平日之所自期者人亦以為異焉

萬曆四年

我 宣宗昭敬
大正 九年

丙子先生五十九歲居酒

谷廬所

萬曆五年

我宣宗昭敬
大王十年

丁丑先生六十歲十二月

將行禫事而恭懿王大妃昇遐先生又遭重服

難於行殷祭博考古禮暫行小奠是月拜知中樞

府事男上訴天

萬曆六年

我宣宗昭敬
大王十一年

戊寅先生六十一歲正月

拜刑曹判書先生初未謝陞秩之命而三年之內

已追恩兩世以此常懷未安今既保免草土則

入都拜謝仍數年殫勞小酬國恩萬分之一然

後歸老于家計亦切矣又此奔臨於義不可緩即

發程計日馳驅階謝訖即奔走發軔之久病遽

劇遂呈遞為知樞又拜工曹判書大司憲皆未出

謝五月又拜大憲以每七呈告為未安強扶出謝

日事即遞為知樞七月拜兵曹判書出仕二十日

而呈遞即拜吏曹判書數日心熱劇發夙病轉苦

政院啓曰吏曹判書盧禎素有重望為士林所

宗居母喪執禮過苦積傷之餘病勢深重云自

上恐當有遺醫問疾之事上即遣內醫仍賜藥

餌先生既省事即起坐拱手捧見藥封還就卧病

彌一月言不及家私只言吾不得畢命松楸橫尸

旅邸實垂平日之志又言曰制終未踰歲病實因
喪致傷是猶死於喪只此累於心餘無怛懷耳此
先生居喪致毀之悔也八月二十三日壬寅某時
卒于城西寓舍享年六十有一訃聞 上輟朝二
日遣臣禮曹佐郎縷 賜文致祭羈病酸苦之餘家
無一物之儲賴 賜賻之物乃克殮殯焉朝中知
舊致賻祭甚盛士林之相逢嗟悼久而不歇至於
走卒亦知歎惜以其喪返也鄉隣士類無少長畢
會境上迎柩舉哀致辭者居半未至者為位而哭
及臨葬又各以學舍坊村會祭以哭先生之得此

於人夫豈勢利之所誘哉以禮窆于酒谷山子坐
午向之原是信古公墓下之岡而與夫人安氏同
塋異室焉是年十一月七日甲寅也是春酒谷先
隴二岡樹木枝柯垂結氷實有若簷溜之凍識者
以為木稼去自京返柩時在冬月虹藏不見而自
南京至故里數日之間或雨或晴沿道虹見隨滅
隨起此實異事古之賢人君子之卒也多或有風
水呈虹之異焉殆不誣也鄉之士子與先生門下
士趙大笑軒宗道邊樵灘士貞鄭嶧陽惟明成石
谷彭年諸人為先生有廟享之議稟定於林葛川

萬曆七年我宣宗昭敬 已卯先生配享濫溪之議
始出於林葛川而士子告由于方伯則方伯於先
生素深景慕者也言固當別廟何必配為優以資
費極致誠力於是鄉之士類各聚財力立廟於秋
潭之上以申義齋為正堂蓋就先生平生杖屨之
地以寓昌歆之慕也湖南士子亦告于方伯建院
於南原之蓼川上先生常所徜徉之地以為歲修
興感之所稱之曰古龍書院南原是夫人之鄉而
先生嘗寓居焉府使李璣建院之日亦多有助成
之力男士訓以毀不起

萬曆九年我宣宗昭敬 辛巳是年秋奉安先生位
板曰稱曰新溪書院時盧君士豫兄弟在夏服中
狀薦于鄉曰表從兄姜叅奉翼我叔父玉溪先生
所與之人也斯人之行可配於叔父云七鄉議從
之稟于葛川林先生定位次配享本院 朝廷以
尚未旌孝為歛禮曹判書李友直 啓曰卒吏曹
判書盧慎寧親終始誠孝無間非但出於本道觀
察使 啓本至今 朝廷上下莫不追慕特加旌
表用勸末俗何如自 上即命旌閭

崇禎二年

我

仁祖

己巳

三月

上遣官

旌閭

支曹正

郎金瑄

賜謚曰文孝

勤學好問曰文
慈惠愛親曰孝

崇禎後三十三年

我顯宗
大王元年

庚子

上遣官

禮曹佐
知都慎

與致祭于書院

賜額曰澹洲

玉溪先生文集卷之一

詩

五言絕句

泛菊仍得一絕

黃菊開時晚嚴霜尚未萎空庭步涼月憑爾付心期

坐柳樹下吟得一絕

幽人坐澗石高嘯思悠哉日落村墟暝小橋人往來

連山東軒敬次先祖板上韻

先祖留詩處今來愴慕深何能追盛跡祇擬盡吾心

七言絕句

夜坐池軒

池面沉沉雲似漆夜深隣火隔窓明
憑愁半檻渾無寐帝魄空山響二更

謹賡鄭魯卿希參韻

志業元非祿位規簡編要討古人遺
相將日用勤提省肯向人間慍不知

日將夕登南臯

蒼然暝色逗林立望裡鶉江漾綠油
犢背短簫何處響望雲遊于此邊愁

次鄭魯卿贈韻三絕

春風為客病侵尋歸夢悠悠不自禁
何況與君阻笑語落花啼鳥摠傷心

丈室煎茶烟欲歇一庭松月耿無眠
蒲團坐對高僧語此夜思君倍惘然

半月琳宮百念輕焚香兀坐對遺經
倦來時復憑窓看雨後山光晚更青

過鴨綠江得一絕

沿江一路出林間羸馬凌兢意自閑
隔岸桑麻村店小午鷄聲裡掩柴關

花開洞口憶一蠹先生日用其韻 附元韻

行趁清和綠正柔
驢翁來往幾經秋
斜陽立馬尋顏
址山自盤迴江自流

驢翁鄭先生自號之
而嘗卜居于是故云

風蒲泛泛美輕柔
四月花開麥已秋
看盡頭流千

萬疊孤舟又下大江流

一壺先生

夜宿三井之北草菴曉起

窓外泠泠響玉泉
遊人終夜不成眠
曉來坐對空山

靜帝魄聲中月一弦

敬次宋相公純留韻

四載山城澤未深
春風歸夢繞園林
高軒何幸重來
過相對樽前慰夙心

偶吟

孤村薄暮暝煙霏
春水池塘滿意肥
芳草暮靄連小

砌一春生意自怡怡

遊三月菴紀行

攀條蹋石莫辭難
到底登高豈在安
忽上高巖仍遠

馳恢恢方寸有餘寬

次姜仲輔韻 疏介庵

督責疲氓豈所安
歸心日夜繞鄉山
何時謝却銅符

去塔菊晴窓相對閑

假山次林彥實希茂韻二絕

要成幽趣在門庭移取層巒一半青巖洞依倚苔蘚
古何方清瀑更泠泠

拳石雙峯落小庭風煙不減本身青天公有意添奇
勝晚雨時教谷水泠

澗邊小憩

峽下飛淙一線長鏘金戛玉合宮商炎途偶躡蒼苔
石澗面還驚六月霜

謹次申靈川韻贈寶上人

憐渠賞識靈川子詩有三篇竹數竿何況當年成進
退亭前鶴影已同看昔在己酉之春余謂靈川先生
于詩山時師以請詩來因與之

胡見今年秋師又訪余於村舍嗚呼先生之不在世
此以歸之始先生之在詩山也構小亭下縣
之東偏故野鶴于庭中仍扁以玩鶴云

行到忠州捨馬至金灘將至興原倉作

長途病榻赴清朝為向金灘整去梳日暮興原何
處是墟烟喬木堽中遙

謁 康陵二絕

白髮孤臣六載餘橋山一拜淚盈裾 講筵久忝

龍光侍緬想當時可奈如

瑞蕊臺上親傳酌將母疏陳許 賜茵報茂涓埃猶

欠死寢園今日倍傷神

夜吟

關心世事憂難成喜聽村鷄叫一聲
獨寐任余誰與晤終宵轉側徹天明

癸酉冬以親老上章請歸養不得只違本職

許歸覲仍給由馬行至穿川吟一絕

思許寧親無駟騎孤臣無路答鴻私
君親南北臨歧皆回首三峯信馬遲

封疏章仍吟一絕

陳情十四斬思許階秩居然到列卿
難進縱緣西日迫匡時無策奈顏頰

百丈寺溪邊次金浣溪嬉年韻

巖石瓌奇水勢雄從前觀覽揔無功
若將這樣如出腦次心眼恢恢天地中

余方中賜小奚自天嶺還報伯氏亦患是根身
病不能奔問仍作一絕

兄弟雖云氣血通羅衲何事此時同
弟憂兄疾兄憂弟相望東西怨太空

次鄭魯卿贈韻

三春於學闕商量昏請何由更矯強
但為文人勤向屬須將敬義永無忘

追次竹巖別柳亭韻

人世難堪唱渭城况臨歧路別吾兄天寒郵館旅懷
苦半壁青燈翳復明

遊靈川菴寄主人主人即長城太守趙雅誠

問說茲菴景竒絕與君成約已三年今來又值君行
遠獨立千峯落日邊

次浣溪韻

何年仙子住茲山碧岫丹崖恣往還琴笛依佈雲外
響遊人千古謾追攀

和鄭魯卿

百世滔滔善治無生靈久矣困殘痛男兒志業要宏
大好澗甘霖澤象枯

次魚君季瑛韻

洛城未展後容話江院聊同一夜凋草草明朝分馬
首黃花赤葉摠離愁

丹陽客舍

地勢孤高爽似秋人間無處較清幽三山咫尺知非
遠一掉行將沂上流郡西有三島列

甲戌正月卧病久未瘳又有喪患三月念出溪
舍有懷吟一絕

五言集卷之一
六
卧病三春不出門小興今日到溪濱始驚花柳連村
暗滿眼風光揔惱魂

寄贈楊金兩生

時揚士衡金益福
留樓書

陳樹墟烟是院居諸君消息問何如我今來住溪齋
下一掉相尋可少徐

有沙彌處仁與余有素來訪無惠芒鞋

孤村永日喜登聞何處沙彌叩竹門持贈青鞋應有
意欲余羅逕不解捫

五言律詩

壬寅九秋望曉寤不即起仍成一律

寒夢驚孤枕江村鷄亂號遠灘鳴浙瀝零葉響飄蕭
世事空成吐浮生漫自料沉吟擁戶視落月翳山椒

次浣溪韻

方丈窮南麓寬閑洞府開勝遊成此夕清夢幾曾回
木老千年態灘鳴一壑雷幽尋苦未足結社擬重來
流下洛江連日宿舟中有作

信宿洛江口維舟蘆葦叢漁歌迷處所烟雨政溟濛
重席難仿濕園羶尚透風平生江海想此日興還窮

又

江天夜雨霽雲月蘸微明宿鷺驚寒渚游鱗戲綠萍

玉簪集卷之一
十
篝燈遙店小蘆荻遠洲平
夢罷孤舟裏塵緣覺已輕

扇暘月課

聞說周王聖停車扇暘民揚風吹習習濯熱喜津津
煦煦非要惠肫肫未過仁恩沾朽骨後嗣德炳前人

論茶月課

試摘金芽嫩旋包
翦葉香新泉無活火清書煮風鑪
魚眼浮光蹙松聲入耳涼一甌
三沸後幽思浩難量

遊龍泉寺敬次李一齋韻

名恒字恒之

附元韻

簪蓋陪高躅相携坐水隈
秋山明錦繡古去隱樓臺
未見心源淨難將事業恢
何當投綬去歲晚共徘徊

昔共山齋樂今逢水石隈
潛龍卧幽窟飛鶴上雲臺
泯跡工夫大當官教化恢
論談情不盡臨去更

徘徊

一齋

聞慶板上次盧蘇齋寡悔韻

名守慎 附元韻

烏烏情同迫封章再貢
王晨昏我得頌輿輦子承
光透羽雲霄上分符嶺海陽
看題還自幸百里是吾鄉

勉奉吾賢毋欽越我
聖王乘輿鶴髮影滿袖

鳳綸光錦繡看清畫斑爛
媚夕陽如何一夜滾太
半是思鄉

蘇齋

送金愛瑞虬之燕

臺閣風威重鑿坡姓字香青春方荷寵上國復觀光
壯志元弘矢高堂况壽康茲行須洛洛文物好收將

又

踈慵吾自笑義分子偏傾嶺外三年別遠陽萬里行
炎風吹鶴野腥雨濕邊城珍重歸來早南州眼更明

遊長水寺夜吟

獨卧愁孤枕簷溜半夜聲殘燈明復暗寒夢續還驚
了了浮生計悠悠太古情憑據步戶外清澗響空庭

抵宿神興寺

用南軒先生
方廣寺詩韻

采勝神還倦吟詩句不成踏穿苔徑盡行入梵宮清
夜靜灘聲亂庭虛塔影橫蒲團聊取睡蒲洒絕塵情

輓退溪先生

天欲喪斯文今公不少逢洛城曾再侍江口暫相期
未遂親薰願還吟珍瘁詩哀榮今日事吾道竟何為

又

閩洛淵源學高風百世師兩朝優禮重一代大名
馳何奈經綸志終無分寸施摧標痛忽丞天意儘難
知

輓曹南冥

義氣橫星斗心期到如姚簪纓元弊屣登對為清
朝事業當年沒風聲百世遙屋前方丈在依舊尊雲
霄

又

身世元在壑清風一代欽傷心驚木稼合哭動儒林
谷裏愁雲月床頭委劍琴從今陸水路人去更誰尋

輓金河西名麟厚字厚之

憂患承君訃驚呼淚不禁何知去歲別永隔九泉深
真實平生學冲虛太古襟即今俱已矣留與後人欽

輓奇高峯名大升字明彦

義氣傾多士英明冠一時淵源追洛建探賸極毫絲
退可醒寐寐進將有所為天乎遽不淑朝野惜齋咨

又

朝天命忽下不進詎無難北寓愁羈宦南來病據鞍
壑舟移半夜家室隔三餐已矣平生志空令我輩歎

輓吳子強名德號德溪

天意偏仇善茫茫理莫知人亡一至此世道竟何為
進退期全失公私淨逆揮忍看新屋下荷葉貯荒池

又

聰明元被俗孝友自天資劬學身要服一作心匡時

志不移三年遠 蒼生一病謝琴詩 歲晚從遊計 念
念莊靈詞

乾李愚翁 名希顏 號黃江

歎息黃江望 今歸地下幽 風儀那復覓 精爽已難求
望負蒼生久 恩徒十室留 無兒有幼婦 天道竟悠悠

又

春日定城路 相逢幸不期 情懷都未寫 南北忽分歧
猶恨經年別 安知隔世辭 秋風重過處 佇立淚雙垂

乾林彥成 名善 號瞻菴

孝友人無問 幼書史 憤玄那 知一命 及竟作 素車旋

妻子鄉關 咀鵲原望 慕捐准 去死不愧 聞者恧傷 墟

又

洛下君嬰疾 南鄉我告歸 相看倍愁思 握手更依遲
長恨慢醫劑 多慚薄祿衣 病今違執紼 和淚寫些詞

乾姜仲輔

君病遠趨 關方吾解節 時歸來 嘯一夜 倏爾見 長辭
未遂惟堂哭 遙聞寤寐期 此生知水已 宇宙寄深悲

乾盧別座 蘇齋嚴君

華胃仍羸德 生賢有晚逢 高名領士望 忠悃動宸容
旌節方傳喜 鄉山忽告凶 天孚不少暇 風樹痛重重

輓鄭公

希輔其名唐谷其號先生少時受業

少昔才名大相傳萬口頌青雲收羽翮白首掩柴荆
絃誦遺風遠詩書舊業清門人封馬鬣寒日共吞聲

又

歲晚來縫掖慙任叢蒙承恩唯我最報德竟何窮
原草空蕭瑟山花自滿紅傷心遽如許哀淚洒西風

輓金亭亭啓

聖品識參文學立堂振世豪金門通籍早燕薊親天勞
位進才無展身孤謗幾遭猶腥知命壽朝野揔號咷

又

林館初相選君方少壯時一言交便定高識卓難窺
義重投膠漆情懸費憂思百年知己逝那復話心期

輓閔舍人德鳳

春發京都日床頭問疾時憂危默相視奄忽作長辭
湖路妻兒哭鷓行士友悲云亡一至此天道竟何為

輓鄭魯卿

早歲聲名動中年疾病纏屠龍術未試晚宦位纔遷
二縣留嬰慕他鄉謝世緣丹旌指天嶺猶是托先阡

又

曾住吾鄰舍相從十載間論文時到夜携酒幾登山

溪屋新開岸秋航已泛灣方期陪賞劇胡遽素車還
輓表從笏朴士廉

嘉樹君家是相從每恨踈幽明今忽隔恩義果何如
病久遠候證極行未挽車題些送爾去宇宙一長噫

輓安文寶珠

歎息安文寶飄然指帝鄉未能一命從此覺黃梁
苴杖憂廬洞頰繁謹室堂更聞此死之愈儘非常

又

辰歲哭吾婦今君又九原弟兄生共運福理難言
泉下應相見人間獨斷魂慙慙為我報辛苦逐年婚

輓堂兄拙齋祥

休休真長者淡泊絕無營韞玉天門遠安身澗巷清
俄驚逝水恨忽隕少微精隱德猶堪慕鄉鄰淚迸橫

輓趙正惟誠

孝友兼文學登名萬里途風霜動臺府乳愛浹博孤
遽隕回心毀堪嗟泣柏枯無兒哭釋婦籲昊此何辜

五言排律

輓李龜巖名損字剛而

弱冠翹南服聲名動北游金門擢魁甲鶴序響琳瑯
公志元無有奇才迥不侔劬書窺往哲慕善接名流

持制 捐弓日殫誠泣栢秋奉輿連郡邑推惠濟瘡
痍兩院興邦士遺碑屹道周直言承諫掖昵侍近
宸旒終阻壅坡 召纒除聖室憂豈專微恙崇知為
晚程收坐靜應觀邃關門認篤繆七年遠面目何計
扣深幽為養 除旁郡相望抗一舟連床跋予踵清
漢報長休歎息者蒼昊驚呼問輩儔位名嗟未滿冠
業惜空優賴有靈孫胤嶄然露角頭承家豈軒冕嗣
德定箕裘今我修微薄胡公莫勸酬無由窺末造字
宙恨悠悠

輓朴伯胤承元

童稚清親最心期且不睽直山同几案函丈共提撕
策杖尋幽運携竿俯詠溪相逢忘抵向到處便追躋
撫古空悲吒論文幾品題知心晚更至歧路去何迷
終世期同好浮生事不齊沉痾君鬱鬱羈宦我棲棲
看月空吟想還鄉亦解携猶期調藥物將欲謝簪珪
何意阻青眼翻成夢白鷄真醇容已緬掩抑志空齋
傳世無孩息啼聞有弱妻斯人何倏忽天意詎端倪
晚晚年光轉清凝露氣淒恣恣向邱北杳杳隔湖西
遙想輜車逗何由白馬嘶題些空佇立天外暮雲低

衢樽月課

王漢章卷之一
十四
吾聞古聖帝蕩蕩德如神耕鑿安時俗雍熙樂庶民
康衢閑日月北海貳醲醇異味調元氣薰香襲八垠
泓澄長不竭挹注豈憂貧群飲皆充量爭趨不用緡
四方同醉舞窮巷絕矚呻淪浹深澤沈酣圃一春
歡聲騰遠邇叶氣暢氤氳一自八音過流連百代因
金樽渾獨樂田里任愁嘆千載逢時泰長衢頌至仁

次丁舍人李晦燠韻 號游軒

純孝稱徐積高風仰李膺五生謝斥鷃壯志奮雲鵬
名節常磨礪暮言自奉亦掖垣敷直義廊廟擬心肱
風翩翩成折天心亦不恒蠻蠻還作侶炎瘴幾嘗嘗

道益臨危進心增慮患興高情自坦蕩萬事任侵凌
好古知無倦劬書罷不能工夫恒策勵時日豈因仍
準擬明珠索終期邃室登奇功要志濟大道本人弘
韓子寧終斥賈生定被徵知君非是退伊我豈為陞
低默同癡掾聾昏類許丞拘時乖夙志失業愧良朋
未濟立民困長遭俗士憎歸心懸故壑遙夜伴青燈
何日芳塵襲多時曲檻凭投詞千里遠起予十分增
但恨多推許深慚溢譽稱酬吟空佇立思遂得霜鷹

七言律詩

冒雨登鵝樓觀漲

卷之二

十五

王隱真卷之一
十五
簾笠登樓倚短楹一江流漲接夫平噴煙浪蹴三山
坼屹屋濤翻四野傾漁艇遠隨沙岸泊田翁愁傍破
塍行殘陽薄暮穿雲吐鷗鳥飛飛亦喜晴

敬步後仰亭韻

氣量江河吸象川高懷應在古人前忠輸魏闕形
容老夢繞菟裘歲月連松竹一亭饒勝槩湖山百里
足風烟此間合著儒仙住勝事他年入畫傳

又

五年峒縣坐深幽仰德何時不矯頭歌管商山陳迹
香醉吟江閣晚風稠清塵叵耐遠三夏離思無端滿

一秋閑卧高亭知未穩蒼生屬望政含愁

敬及李承宣子發文捷韻

由來時令不相諧任却平生志已乖隱几無言神自
定掩扉終日境真佳獨憑黃卷成奇遇時撫瑤琴寫
遠懷非是尋常韻晦事要從靜裡得心齋

謹步揚深源洪韻奉贈申校理

恩榮出入殿中廟南國掄才詔下忙邦士爭瞻儀鳳
彩繡衣猶惹御鑪香權衡人物搜羅盡吟弄湖山
屬對長何幸平生同榜舊黃緣文院得相將

岳陽晚眺月課

秋風獨上岳陽樓雲物蒼茫興不收萬頃長波連世
界千重烟樹入荊州青螺點外飛仙遂落日洲邊簇
賈舟廊廟江湖人去遠古今登眺謾啁歌

瓊林賜宴月課

文明千載運方遭天網恢恢引俊髦臚唱螭階騰瑞
旭筵開春苑集仙曹金樽激灑分宮醞奎翰昭回落
御毫唐代曲江何足數優賢禮出百王高

送柳揚口擇仲之縣

荒茅喬木縣居殘君去蕭然坐整冠地僻民淳公事
少政清科拙里閭權梅飄東閣空孤興雲起前峯獨

倚欄更有金剛繞隔嶺時能登陟盡瓌觀

次朴君沃韻送金負外亨彥赴燕

君沃啓賢字亨彥金啓舊字

昂昂逸鶴海南湄飛步青雲影陸離藥學神方千古
秘琴彈玄調五絃絲禮儀再覩周庭盛觀覽何嫌歲
月逢試訪高賢多所得終教海內姓名知

學士樓韻

山水縈回別一天樓居此地悅遊仙村連碧篠涼侵
席烟暝長林影蘸筵佔畢風流年過百孤雲陳跡歲
垂千人間俯仰空延佇嘯詠攔楮憶少丘

學士樓近體少時作

風流偏屬一樓多，簾外青山影轉加。
野曠亂分千百畝，林疎時露兩三家。
空庭人閒封苔蘚，朱檻香傳送落花。
千古儒仙招不得，擬尋瀛海泛靈槎。

又

百尺高樓接勝流，蒼林十里弄新秋。
霧昏檻外寒仍重，簷納山光翠欲浮。
一代儒仙雲渺渺，千秋遠鶴恨悠悠。
登臨逸興飛塵表，身世渾疑控玉蚪。

題秋潭精舍

為養優閑，聖澤餘於菟。何幸卜幽居，地臨曠野遙。
分樹窓對清潭，可數魚日煥。牛羊眠藉草，沙晴鷗鷺。

跡成書此間，收得天機熟。來往從今不願踈。

摘菊盈把應

製下三首同

冷雨踈煙古巷中，籬邊獨立葛巾翁。
爛斑黃蘗空盈把，馥郁清香暗逐風。
濁酒無緣供醉興，白衣俄見走村童。
何如此日分宮醞，激灑金樽澤溢洪。

登高避禍

異事紛紛未易詳，昔人遠禍上高岡。
絳囊的的茱萸滿，金縢浮浮酒罈香。
珍重全家渾得健，歸來群畜盡罹殃。
流傳遂作重陽節，何處山巔不喚觴。

秋夜宴群臣

五溪集卷之一
十六
中秋物色屬光晶露洗長空瑞日明慶衍春宮禔禮
罷 恩霑鸚列綺筵榮霞觴激灑分宮醞 天語丁
寧寫 聖情何幸微臣忝盛美彤庭蹈舞荷生成

君臣同德

千載亨嘉泰運隆 明良際會一堂中肝宵憂劫思
敷德夙夜精殫許貢忠相說聊為追小雅無荒敢忘
戒唐風從今益卜瑤圖永民物謳歌四域同

春日登小丘

步屨偶登江上坡春光偏向雨餘多村梅吐白香初
斷汀柳迎黃暖更斜芳草夕陽迷遠渚清陰永日美

韶華豈無尊酒酬佳節其奈人生漫浪何

又

幽居心事鬱難裁却向芳郊步綠苔汀柳江花俱態
度浪蜂嬌蝶自徘徊流光改逐愁邊去尊酒何緣一
日開獨倚東風思未遣強題新製寄寒梅

送高正字應寶點馬開西

吾君啣 命拜 宸旒五月西行鴨水頭鴻鷺去來

胡大巧關河迢遞自生愁照人風采須凝重到處遊

觀莫漫留此外臨歧無所贈新秋佇閱錦囊投

余初
所君轉有遠征安得無介然於襟耶將行亦言
甚奇適奔迫不暇聊書五十六字以叙別意云

七言排律

湘靈鼓瑟月課

秋回湖水一帆輕木落波寒烟渚平雲斷蒼梧叫帝
舜風生斑竹吊皇英千年幽怨應難沫半夜雲和忽
有聲咽咽哀音工斷續淒淒苦調奏鏗鉤泉通曲澗
霜初冷鶴唳晴空月政明暗和浪浪江雨亂時兼颯
颯竹風清聲傳巴峽哀猿叫響澈清冷海若驚戍客
聽來潛技淚聞城聞處倍含情恐聲幾攪懷沙子幽
操曾驚痛哭生曲罷悄然天宇迥白蘋芳杜恨盈盈

五言古詩

次鄭魯卿前日寄詩韻

余生百無為飽食徒快康但念昔人訓欲從不知方
善惡固抄忽禍福由滄浪治心不在豫遇事多驚惶
學道貴及時術業緣嬉荒繫我固念此悠悠難自強
出無會心人憫默坐寒堂何幸夫子來校履時趨蹌
慙慙寄鐵石聞來胆若傷相期希顏巷用行而舍藏
夜宿地徹菴用古人韻

山中無俗物煮茗聊自飲坐愛佛燈明深宵始成寢
還有石泉響冷然驚曉枕

孔林月課

迢迢魯城北湛湛泗水陽
厥初元氣鍾終焉冠履藏
崇立彌一望林木森鬱蒼
敷榮自雨露封植經百王
翠色映陋巷秀氣連鄒岡
啟宇鬱穹崇春秋薦芬芳
仰惟玄聖道萬古昭綱常
生民賴俞極德厚宜流光
雲仍奕世蕃百室環其傍
千秋謁廟貌彷彿觀文章
病中次河北山和吳巽之石菖蒲韻

卧病已經旬鬱鬱常自憐
賴有石澗蒲移來在榻邊
天大垂綠瑩孤絕匪俗妍
手撫默相對沉痾如脫然
何時歸故山結汝泉石緣

七言古詩

河東鄭族祖魯卿
和趙工謝郡伯惠紙詩以
示因次其韻

吾鄉自古盛文獻
生兒往往能識字
念汝妙質獨超群
孤苦問業將奚以
近聞耽書不資師
謝却紛紛幼雅志
時時佳句解驚人
流傳衆口為美事
頃者獻詞郡大夫
嘉賞為致文房賜
今觀謝詩尤瓌奇
老儒跋踏安敢比
他時若能極馳驟
一唱尚可掃百紙
河東文人忽見之
作為和歌極稱羨
還符規語拍階級
辭意直述程朱子
勉爾服膺恢大業
莫學世儒工程試

賦

三無私賦 月課

做至理之無妄湯橐鑰以流散均彼此而一施渾上
下而罔間惟天受之以無私兮遍群物以並惠儼四
時之代行迭一啓而一閉紛風雨與霜露一至公之
神教固維洪鉅細之畢覆兮矧妍媸美惡之或較要
廣大而溥博一發庄而著效伊地道之承乾載神氣
而順布赫雷霆之震盪形品類以呈露既不重而不
洩况肖翹與蠢蠕藹含弘以厚固合无彊而包編觀
而懼之迭行儼照臨乎下土轉神機之無著約精光
之博普無纖毫而或遺有容光則必透煜中土兮無

私照九夷兮何陋彼陰崖之後照初豈意於薄辱懿
三者之光大總付順於無情宜王者之是奉思合德
而同明念作主於兩間係億兆之具瞻倘一念之或
私即十目之其嚴發於宮庭之隱微著於政令之施
為卒至好德而敗謀兮勞天下兮奚宜矧典禮命討
之皆天兮非一人之或私要務存乎至公毋示人以
不廣恩賞之行兮必考夫功否以下上刑討之加兮
亦議其罪過而輕重無以饋刺而惑聰無以嘻嘻而
謬寵無以左右而幸恩無以私府而施澤極無黨而
無偏致王道之正直茲其所以奉三兮惟俯仰而無

作然體此之有道要務學而敬格苟不深誠以端本
吾恐末流之難遏屹屹於振作号然見欲速而不達
規規於故事子亦徒勞弊而罔功緬三代之純粹咸
建極而建中能布昭其公道竟帝命之不違悲後世
之褊迫孰此道之垂幾微臣之望君亮舜号恭獻箴
以無頌箴曰穹然在上墮然在下何物不覆何微不
載爰有兩眼普臨四海其光無闕其德克配仰觀俯
履其道伊何惟其則之寔思無邪學以存心明以御
物整肅紀綱斥遠比暱視位惟公視民惟一母有好
惡毋有喜怒廓然大公與三為五實績于中效著於

外敬哉懋哉無貳無怠

敬賦少時作

皇降衷于下民肇錫余以懿德混良心之根性豈堯
豐而桀裔由在我之怠敬判聖狂之有別伊一心之
惟危實易至於放逸紛存亡之靡定渺出入之莫知
一毫釐之或差抵千里而皆違矧外累之交鑠實吾
心之蝨賊儻斯領之或怠漸橫驚而難遏謂操守之
非他要以敬而謹獨肆君子之愷愷恒檢身以兢惕
念事幾之紛萃總方寸而內攝思持敬以直內在動
靜而不或宅茲心而有定唯主一而無適念常存於

須臾肯一息而或忽恒戰懼而兢悚若臨深而履薄
逗善念之時至日存養而省察要視聽於一禮期空
慾而蹈仁在出門而承事况賓祭之身親豈屋漏之
敢欺儼可畏乎十目天地遠兮可事鬼神幽兮可格
既誠敬之中積詎形外之慢易坐如尸兮立如齊肅
威儀之卓爾藹真積而力久審詣履之合誼身以修
兮家以齊底天地之宅位由所養之攸久豈聲音之
外偽在匹夫罔敢不敬抑人君之尤勅苟代天而不
畏奚至化之能達宜朽索以兢惕所敬德以作極斯
前聖之垂訓必為是焉汲汲彼大學之立旨曰一敬

以該括夫何衆昏之同念耽物欲以蹈尤胡鷄犬之
反求而放心之莫收率怠傲以因循竟滅德而作狂
曰余生之質質何聖賢之可嗟然秉彝之唯均豈堯
舜之難企念怠敬之相勝亦吉凶之有異恒日慎而
克養恐一念之未誠綴箴辭而自誓續張朱之短銘

守在四夷律賦

月課

粵昔聖帝高拱玉畿九夷八蠻罔不來歸作外藩而
守邊乃反在彼若衆星之拱北孰不畏威盖由不大
聲色修我明德肇宮庭而闡治中四方而作極懷柔
遠通混一規而同仁鼓動樞機洵神化之不測是以

聲名洋溢文教涵漸覃及乎要荒蠻貊淪浹乎動植
飛潛鮪彼穹廬之庭無非我闡蠶爾犬羊之類化為
黎黔莫不叩關納款稽顙慕義梯航山海之相望筐
篚玉帛之旁至藩維既固不聞刀斗之夜警邊塵永
清但見耕牧之被野嗚呼自古為患唯此戎蠻今胡
列為屏翰反以衛乎邊關文德誕敷所以遵我軌度
羈縻不絕自能革彼凶頑奈何干羽舞罷征戰禍滋
有窮兵而黷武或築城而防夷變起蕭牆何有扞蔽
之嚴兵連南北卒致虛耗之危是知守國在德御戎
有律施仁義則無不懷事攻討則愈不率去不追來

不拒會見捧琛而稱藩勤遠略忽近修必至感土而
喪率當今 聖明臨御文治釀郁然小醜之竊發問
有梗於涵育環外夷而作為維翰願從隆古之所服

表箋詔

降勅 賜物謝表應 製

聖心眷隆曲垂生成之化 睿獎密勿誕降錫予之
光撫躬凌兢仰首蹈舞伏念叨際遭遇濫備藩維准
誅罪戾之駢至敢望 寵賚之荐加絲綸十行儼
天威之咫尺管籥交錯爛文彩之繽紛况白金之并
頒寶異數之罔比蒙 渥至此圖報何由伏遇 度

三
收色荒仁敵涵育謂臣雖無贊理之益諒臣稍存亭
上之誠遂令鴻私覃及鮮域敢不殫精葵藿申沉
岡陵服之終身雖既弊而勿毀唯德其物庶永世而
不忘

謝賜食物箋

折衝將軍副護軍知製 教臣盧禎於 隆慶五
年五月初一日伏覲有 旨回諭適臣本職仍
賜臣老母食物不勝驚惶感激之至謹拜手稽首
奉箋稱謝

伏以衡門屏息恭竢 嚴譴之加 宸極推恩猥荷

寵渥之厚極躬失措粉骨難酬伏念臣山澤孤蹤斗
筲瑣質幼失趨庭之訓子馬疇依偏受敵犢之慈得
以為命茲經營於救水獲僥冒於賢科唯冀遂為烏
之情豈復有搢紳之念偶緣遭遇之謬盛濫蒙 收
召之類仍覩顏軒墀茂效涓塵之補分憂州縣未絕
愁歎之聲安懷負息於 先朝詎覲襲誤於 當宁
矧今 德業之方懋忝廁講讀之首班學聞天人承 顧
問而多謬西日短是覺夢魂之屢驚遂上章而控辭
奈 俞音之終闕荷 恩告而寧覲憫疾病之纏綿
肆復瀝情而籲天又驚 召命之墮地 睿眷曲垂

王澤集卷之二
一六
繾綣雖功不駕之行私情有難捨離曷避一辱之黷
况茲聳聳之進說實是芻狗之已陳豈云有補於遠
大之圖未敢終廢於芥曝之懸幸河海不擇於細滴
而天日回照於覆盆 誕降絲綸息免負乘之恥
偏霑雨露澤浹仰事之歡垂盡之氣息若蘇既枯之
皮腊增潤滄瀨之充於供厨蘋藻亦備於享先閭巷
爭嗟宗族胥慶有何補國之勞效獲紆曠世之寵
靈益遇 德深匿瑕孝敦成教謂臣跡雖遠慢諒臣
情在於憐 特霑鴻私以榮鶴髮敢不歌詠 聖德
鼓舞 息光日短事親雖未效匪躬也我心專戀

闕竊倍彈祝美之誠

擬遣韓愈宣慰王廷湊詔月課

去逆效順固智士之達觀滌垢棄瑕亦聖王之令典
肆發慰諭之旨冀回謬迷之圖我國家代有聖神克
宅天命罄莘夏蠻貊以為一周不來庭極天地日月
之所臨盡修職貢頌祚運之中否致方鎮之陸梁制
命不由於朝廷除帥常出於軍校倔強而植根本已
及五六十年習熟以為故常或至傳三四姓肆皇考
之睿聖奮威斷而中興次芟夷悉由軌度逮予小
子新服天休處置不厭於人心堂構未克於先志今

汝激倡衆士復事故規賊害忠勲號自列於留後寔
辱主將事又迫於滁州戍卒久疲於袍鼓士馬奔走
於飛輓勤相臣帷幄之策貽朕躬宵旰之憂積歲踰
時弗思不悔祇欲自速其族或所宜亟正乎天誅茅
以好生之德著於書論遂能改在諸史背義犯令雖
爾罪之罔赦屈法伸恩亦先朝之常行豈可奮威而
窮追不使懲咎而自艾茲特授汝旄鉞又復爵爾官
僚因遣文學重臣申諭逆順大義曰自天寶之始亂
孰有倔強而得安遠而祿山思明蘊醢於始近則元
濟師道剽剔於終茲皆禍極滔天未聞慶延奕世魏

博之弘正成德之承元爰暨劉李之徒久壘方面之
重榮絕一代澤流後昆善敗之徵昭哉可鑒於戲敦
我恩典既已不求其初哉爾奸謀廢幾以永終譽汝
今不峻後悔亦難云云

玉溪先生文集卷之一

玉溪先生文集卷之一

